

Yuserrie jalankan tugas fungsi Naib Canselor UMP

Sinar Harian (Sinar Minggu) 3/9/2021 (Jumaat) m/s: 24.

KUANTAN - Timbalan Naib Canselor (Hal Ehwal Pelajar dan Alumni), Prof Datuk Dr Yuserrie Zainuddin dilantik menjalankan tugas dan fungsi Naib Canselor Universiti Malaysia Pahang (UMP) berkuatkuasa 29 Ogos lalu.

Beliau menggalas tugas itu menggantikan Prof Dr Wan Azhar Wan Yusoff yang tamat tempoh lantikan.

“Terima kasih kepada Kementerian Pengajian Tinggi atas pelantikan ini dan tidak lupa jasa Dr Wan Azhar yang menerajui UMP sebagai Naib Canselor keempat.

“Saya mengharapkan warga UMP akan dapat memastikan Pelan Strategik UMP 2021-2025 dicapai dengan baik,” katanya melalui kenyataan pada Khamis.